

INDEX GEOGRAPHICUS. 79

ruim, v. 14. Phetrusim, & Chasluim: de quibus egressi sunt Philisthiim & Caphthorim; idem 1. Paral. 1. v. 8. & 12. Mesraim sive Misraim habuit Ægyptum, & Ægypto conterminas regiones: filiique ejus Ludim Æthiopiæ partem, quæ supra Ægyptum, & ad Ægypti Meridiem; Ananim Lybiæ partem, quæ Ægypto contigua, & ubi Ammoniaca Regio; Laabim Lybiam, ubi Cyrene; & Nephtuim Ægyptum inferiorem; Phetrusim superiorem; & Chasluim Ægypti ad Mare Rubrum littus; Philisthiim & Caphthorim ab Ægypto ad Terram Chanaan.

Moab filius majoris filiæ Loth, ex quo Populi Moabitæ, & eorum Regio Moabitis, & aliquando Moab. Numer. 21. v. 13. siquidem Arnon terminus est Moab, dividens Moabitas, & Amorrhæos. v. 20. Bamoth vallis in regione Moab. v. 26. Sehon Amorrhæorum Rex pugnavit contra Regem Moab. v. 29. Væ tibi Moab, peristi popule Chamos (Moabitarum Deus fuit Chamos.) Sæpeque postea mentio est Campestrium Moab, & Desertorum Moab. Moabitarum Rex fuit Balac filius Sephor, qui Balaam semel atque iterum è Mesopotamia accersivit, ut Israëlitis malediceret, Numer. 22. & 23. Deut. 23. v. 4. Fuit & Moabitarum Rex Eglon, quem percussit Aod, Judic. 3. David Saulis malevolentiam fugiens à Rege Moab receptus in Mephat sive Mephaath aliquandiu latuit, 1. Reg. 22. v. 3. sed in regno confirmatus, Moabitis tributum imposuit, idque paulo post detrectantes solvere coëgit: factusque est Moab Davidi serviens sub tributo, 2. Reg. 8. v. 12.

Moceloth Israëlitarum statio inter Arada & Thahath.

Modin urbs & mons, unde surrexit Mathathias Machabæorum pater, qui Judæorum afflictionem, & Sanctorum profanationem lugens, Judæum, qui primus Idolis immolaverat, & Regis Antiochi ministrum, qui immolare coëgerat, occidit in Templo, & aram destruxit, 1. Mach. 2. v. 24. 25. & in fine v. 70. Et defunctus est anno (vitæ) centesimo, & quadagesimo sexto, & sepultus est à filiis suis in sepulchris patrum suorum in Modin; ibidem & filii ejus sepulti sunt, Judas Machabæus, 1. Mach. 9. v. 19. Jonathas, 13. v. 25. & Simon Jonathæ frater ibi sepulchrum ædificavit è lapide polito, & septem Pyramidas, v. 27. & seq.

Molada secunda inter urbes septemdecim Tribus Simeon, & nomen constanter sic ubique scribitur, Josue 15. v. 26. in Tribu Juda; & iterum 19. v. 2. in Tribu Simeon; & 1. Paral. 4. v. 28. & 2. Esdræ 11. v. 26. eadem putatur cum Molathi.

Molathi urbs sive potius locus, ex quo Hadriël Molathites, cui data est uxor Merob filia Saül, cum deberet dari Davidi, 1. Reg. 18. v. 9. & 2. Reg. 21. v. 8. 9. quinque filios Michol filiæ Saül, quos genuerat Hadriëli filio Berzellai, qui fuit de Molathi, dedit (David) in manus Gabaonitarum, ut crucifigerentur, propter Saulis in Gabaonitas peccatum.

Mons Abdiæ, in cujus duabus speluncis Abdias centum Prophetas Domini abscondit; & eos pane & aqua pavit, dum vehemens fames esset; & dum Achab & Jezebel eos ad mortem quærerent. Abdias ipse erat dispensator domus Achab, & Dominum (Deum) timebat ab infantia sua, 3. Reg. 18.

Mons Christi, non longè à Capharnaò, in quem Christus orandi, & prædicandi causâ sæpe secessit, & in quo Apostolos elegit...

Mons Diaboli, sive Mons Tentationis; in quem Satanas Christum assumpsit, tentavitque, putatur non longè à Jericho Septentrionem versus, ex Matth. 4. & Luc. 4.

Morasthi locus, unde Michæas Propheta. Michæas ipsemet 1. v. 1. Verbum Domini, quod factum est ad Michæam Morasthitem. & Jerem. 26. v. 18.

Latit. Longit.
Gr. Scr. Gr. Scr.

31. 30. 68. 0.

30. 45. 66. 15.

31. 42. 66. 3.

31. 11. 65. 33.

32. 17. 66. 52.

32. 47. $\frac{1}{2}$ 67. 44.

31. 47. $\frac{1}{2}$ 66. 47.

31. 37. $\frac{1}{2}$ 66. 13.